

Izveštaj o radu IV kongresa podnio je Ing. Lukić.

Sastanku su prisustvovali i predsjednici podružnica.

PODRUŽNICE:

- Sarajevo - Godišnja skupština će se održati krajem februara ili početkom marta,
- Banja Luka - Rad slab. I pored 3 saziva skupština nije održana. Podružnica broji oko 25 članova,
- Mostar - Podružnica ima oko 30 članova. Održali su par sastanaka gdje su diskutovali o organizaciji geodetske službe u komuni,
- Zenica - U 1967. godini rad je bio intenzivniji. U 1968. godini rad slabiji. Imaju oko 30 članova.
- Tuzla - Oko 55 članova. Plodan rad podružnice.

U daljoj diskusiji rečeno je šta bi trebalo uraditi u okviru priprema za godišnju skupštinu Saveza.

Naročito je podvučeno da ne treba praviti glomazne i teško ostvarljive planove za budući rad. Zadaci trebaju biti konkretni, ostvarljivi i bliski aktivistima.

PROSLAVA DVADESETOGODIŠNJICE MATURE

Generacija diplomiranih geometara 1948. godine u Sarajevu, organizovala je proslavu dvadesetogodišnjice mature 8.11.1968.g.

Od ukupnog broja 53 odazvalo se proslavi 42 koji su bili prisutni zajedničkom času sa profesorima u Geod. teh. školi. Nakon odate pošte umrlim kolegama i profesorima izvršena je prozivka prisutnih i data kraća informacija o životu i radu ove generacije u proteklom periodu.

Određene su grupe kolega da posjete porodice umrlih djaka i profesora. Zaključeno je da se u buduće svake 5 godine organizuju ovakve proslave, ove generacije.

Čeljo